



APELACIONO VIJECE SUDA BOSNE I HERCEGOVINE IZREKLO DRUGOSTEPENU PRESUDU ČLANOVIMA ZLOČINAČKE ORGANIZACIJE

Turkovićevoj grupi 95 godina robije

Najopasnija: Radi se o najopasnijoj zločinačkoj organizaciji u poslijeratnoj BiH, što se presudom i pokazalo, rekao Grubešić

Mirsada LINGO-DEMIROVIC

SARAJEVO - Apelaciono vijeće Suda BiH izreklo je juče drugostepenu presudu članovima zločinačke organizacije Zijada Turkovića u trajanju od ukupno 95 godina zatvora.

Vodi organizacije Zijadu Turkoviću potvrđena je prvostepena presuda od 40 godina zatvora, a Milenko Lakiću je smanjena za pet pet godina i treba da odrobija 35 godina. Fadilu Aljoviću potvrđena je kazna od pet godina zatvora, Saši Stjepanoviću od 12, a Muameru Zahitoviću od tri godine zatvora. Juče je ispred Suda BiH bio angažovan veliki broj pripadnika Specijalne policije i SIPA, a i u sudnici su prisutne obezbjeđivali pripadnici SIPA sa dugim cijevima. Prema optužnici Tužilaštva BiH, Turkovića i druge terete za brutalne likvidacije Mithada Mekića i njegove trudne supruge Lusije Salas Kortez te ubistva Marija Tolića i Venera Ajdari, ali i Rajka Milovanovića.

Turković i drugi optuženi su za udruživanje u zločinačku organizaciju koja je počinila pet brutalnih ubistava, pljačku 2,5

 <p>na teret mu stavljeno organizovanje lanca trgovine heroinom i kokainom na području BiH, Crne Gore, Srbije, Hrvatske i drugih zemalja, pljačka kargo centra, iznuda dionica "Ključa", pranje novca</p> <p>osuđen za ubistva Mithada Mekića,</p> <p>Zijad TURKOVIĆ 40 GODINA ZATVORA (I RANUJE BIO OSUĐEN NA 40 GODINA ZATVORA)</p>	<p>Lusije Salas Kortez, Marija Tolića i Venera Ajdarija, te planiranje tri pokušaja ubistva Nasera Keljmenđija i njegovog sina Elvisa</p> <p>osuđen je i za pokušaj ubistva Anesa Kurbegovića</p>
 <p>Milenko LAKIĆ 35 GODINA ZATVORA (RANUJE BIO OSUĐEN NA 40 GODINA)</p> <p>osuđen kao izvršilac ubistva Rajka Milovanovića</p>	 <p>Saša STJEPANOVIĆ 12 GODINA ZATVORA (POTVRĐENA PRESUDA)</p> <p>osuđen za trgovinu narkoticima</p>
 <p>Fadil ALJOVIĆ 5 GODINA ZATVORA (POTVRĐENA PRESUDA)</p> <p>osuđen da je očistio kuću na Bistrici u kojoj su ubijeni Mario Tolić i Venera Ajdari, te vikendicu u kojoj su ubijeni Mithad Mekić i Lusija Salas Kortez</p>	 <p>Muamer ZAHITOVIĆ 3 GODINE ZATVORA (POTVRĐENA PRESUDA)</p> <p>na teret mu stavljene iznuda dionica fabrike "Ključ" i pranje novca</p>

miliona KM iz kargo centra sarajevskog aerodroma, trgovinu oružjem i vojnom opremom, trgovinu narkoticima, pokušaje ubistva, iznudu i pranje novca. Osuđeni su i za pokušaje ubistva Anesa Kurbegovića te Nasera i Elvisa Keljmenđija.

Tužilaštvo BiH i SIPA su izrazili zadovoljstvo presudom.

Boris Grubešić, glasnogovornik Tužilaštva BiH, istakao je da

od početka Tužilaštvo tvrdi da se radi o najopasnijoj zločinačkoj organizaciji u poslijeratnoj BiH, što se presudom i pokazalo.

"Tokom rada na ovom predmetu angažirani su svi kapaciteti SIPA, čime je zadat jak udarac organiziranom kriminalu na području BiH i šire i rasvijetljena su monstruoza kriminalna djela koja su počinili članovi ove kriminalne grupe", navedeno je u saopće-

nju SIPA. Presudom izrečenom Turkoviću i drugima, oduzeta je i imovina stečena krivičnim djelima za koja su osuđeni. Svi osuđeni moraju nadoknaditi troškove postupka, a Turkoviću je naloženo da u roku od šest mjeseci u budžet BiH uplati 277.000 KM stečenih krivičnim djelom. Također, na ime državnog budžeta mora uplatiti i dodatnih 30.000 KM stečenih

krivičnim djelom.

Sa transakcijskog računa Turkovićeve supruge Sejele Jugo Sud će blokirati i 47.000 KM. Turkoviću su oduzeti i automobili audi 100 blinda i mercedes ML, koji su korišteni u izvršenju krivičnih djela, kao i apartman na Vlačiću.

Sendi Tolić, sin ubijenog Marija Tolića, zadovoljan je presudom i sretan što "monstrum Turković" nije mogao prijetnja-

ma spriječiti da pravda pobijedi. "Ovi ljudi, monstri, ne zaslužuju nikada vidjeti bijelog dana, ni slobodu doživjeti. Sada idem mom ocu na groblje odnijeti cvijete", rekao je Tolić.

Muhidin Kape, advokat Muamera Zahitovića, kazao je da drugostepeno Vijeće ništa posebno nije utvrdilo. Zahitović, koji je odmah nakon presude požurio van iz kruga Suda BiH, bio je nezadovoljan odlukom Apelacionog vijeća da mu bude oduzeto 49.170 dionica u firmi "Ključ", ali nije želio novinarima to komentarisati.

Kerim Čelik, Aljovićev advokat, rekao je da će uložiti apelaciju Ustavnom sudu BiH jer smatra da su u tom slučaju povrijeđena prava njegovog branjenika na pravdično suđenje, pravo na odbranu, jer je, kako tvrdi, donesena presuda bez jednog valjanog dokaza.

Fahrija Karkin, Turkovićev advokat, rekao je da 46 godina

PRILIKA Presuda prilika da se društvo obračuna sa zlom, rekao Bektašević

radi u sudu, ali da nikada u životu nije čuo komentar sudije na presudu kao što je to bilo tokom jučerašnjeg čitanja presude Turkoviću i ostalima. Naime, Senadin Bektašević, predsjednik Apelacionog vijeća Suda BiH, rekao je da je "presuda prilika da se društvo obračuna sa zlom". Karkin je dodao da je sa jučerašnjim danom njegov status branjenika po službenoj dužnosti prestao i da prema tome od Turkovića zavisi koga će izabrati da ga brani. Turković se ni ovoga puta nije pojavio na izricanju presude, a svoj nedolazak na nekoliko zadnjih ročišta pravdao je bolešću. Bektašević je, nakon što je pročitao presudu, rekao da je sudska presuda odgovor društva na zlo.

"Ona za cilj ima uspostaviti narušeni mir i pravnu sigurnost, naročito za žrtvu i one koji iza žrtve ostaju", pomučio je Bektašević.